

誠齋集

二五

新刊
誠齋集
附錄
PDG

誠齋集卷第一百七

廬陵楊

万里

廷秀

尺牘

荅王樞使

某伏自春時張糾之官因之奏記今月十一日臨
江村官持報教以來天落雲錦以驚以喜端冕廟
堂之容坐鎮雅俗之節廩然在人目中也即辰黃
花節過風露清峻恭惟觀使觀文樞使相公明晦
忠君江湖存闕自天墮祉鈞候動止萬福某老病
餘生待盡環堵自丙辰乞骸露章三請埃命四年

連今歲春筴之交始蒙 聖恩察其非矯僞者放
牛縱鶴以遂物性惟是異數過優增秩一階進職
四等控免弗獲俸受震觀揆厥所元微我天上知
已挈携振德不遺餘力曷濟登茲千江隔而萬山
阻未克抒謝先辱慶語仲尼一字之袞劉公十部
之賢野人拜此榮光赫然下燭蔀屋上衝斗牛矣
未占避席之侍願言愛重即還虛左之位式是万
邦

荅朱侍講

某九月十月之交於月道士曾無疑許連得報教

二書幽憂滿懷風濯雪釋即辰首冬殊溫恭惟致
政侍講殿撰尊契丈懸車里門天相台候動止萬
福玉嫵尊釋均慶某老身幸安隱黃能臺駘董察
其納祿不官鷺股無可割者不蒙見崇而今歲秋
熟不照年例特地助祝融為虛坐甑丞炊快快無
柰先之以疢申之以河魚蓋兩月而後已得書云
股肱之疾移及腹心且養於憑烏皮呻青竹是在
醫法顧不察耳藏神不曰孰使我飢渴之不恤者
非書乎孰使我劇目鉢心指擢胃腎者非書耶某
婁陳囊研櫝筆之方而以水投石論以酷嗜在此

第恨病而力不足耳政使和緩復生能浣此學古
之膈而砭此土炭之嗜耶諷及啓棘賓商之義即
問焉於益公益公報以二說今錄在別紙似聞所
著楚辭解甚奇可得而窺見否猷方之未既而又
縱吏之又似李公擇戒東坡勿作詩而及送墨也
一笑願言珍重用永麋壽

與湖南安撫趙郎中

某伏以元煒和平執權司冬即辰恭惟判府安撫
華文郎中制閫雄深連帥崇嶠一面攸寄三神所
禧台候動止萬福某敬拜手奏記潭府之中涓仰

惟財幸

某竊惟近時岳牧之繁雄如金陵六朝之故國長
沙定王之古城居上流控形勝其責任均也二邦
大帥異時一一大丞相之閔勞鼎鉉息肩戰事
於是半居焉其不輕而重明也華文郎中以兩京
政駸之儒先間平之德望 皇朝不土無言之賢
且文實繼一二鉅公之殊轍令修於庭戶之間而
人自得於湖山之外作一長城當十萬兵一何遑
哉至於賦詩以叱開衡山之雲命駸以彈壓洞庭
之波此又其陶鑄之土苴云耳紅塵一騎紫橐兩

禁日斯邁月斯征某也尚竊逢之退惟老病之身
已垂車以示子孫矣天不作緣有如執事一世之
名勝如朝陽之光在物久矣而某居覆盆之下乃
不得快睹青天白日之清明茲非命也夫然乘化
歸盡偶未先朝露之間猶得九頓首徹姓名寫幕
用以聞焉抑持以自賀云

某惶恐再拜敬問台閤玉嫵恭惟即日冬寒尊釋
介福川增山委有廬陵之役義命是荷某惶恐白
事中男承務郎監衡州安仁縣稅務次公筮仕云
初百事墻面天假之福得仰事禮樂詩書之元帥

慶雲之惠不別荆棘厦屋之壽必免震凌仲尼不
云乎吾舍魯何適矣惟仁人照臨之

與周丞相賀冬

某皇恐今茲歲在鶉火之津月旅黃鍾日臨長至
惟 皇上帝萌陽氣長君子是用錫純嘏介眉壽
于我丞相于時賀賓載集壽筭斯舉而下客某也
為賈獨後譚子不至非罪歟不腆春酒有十其罌
敢效野人芹子之誠奉上一觴千歲之壽仰惟鈞
慈不賜麾去有萬其幸屬者次公辭行之官仰蒙
一再宴集父子迭主致曲示恩又賜之以帥漕薦

補之書至矣盡矣盡室銜戢抑又聞新作樓觀排
霄拂日如元龍之百尺東坡之十丈皆奄有之一
何壯也幼輿次公之畝皆能言鈞誨云將與某落
之宿昔傳聞豈若身見又何榮也亦既沐浴戒行
李以須皮冠之蕲廼前月二十有六日疇昔畝塗
之疾驟作季頗僵卧月惟特粥如麴生卧沙薄持
牢九之輩皆絕交矣寸步非杖不履陳三詩云人
言寒士莫作事鬼奪客偷天破碎茲游不遂茲命
也耶呻吟成聲因得唐律三章敬以獻焉以佐工
師抗梁之驪以代燕雀臆對之賀以贖病夫衡命

之僇併以聞焉仰惟財幸

荅周監丞

某伏以一雪應期三時有望即辰恭惟致政提舉
監丞卿丈獨立萬象之表高並兩原之峰春祺鼎
來眉壽川至台候動止萬福某已修猷歲之慶茲
辱行李之臨親染銀鈎鉄畫之法書朗誦玉佩瓊
琚之俊語足華其老亦孔之榮至於餽節之慇懃
繁然為儀之溫厚紋魚異品而双止良醞盈尊而
四之右彭蠡而左洞庭忽登瑀俎滴真珠而濃瓊
珀快吸山杯拜嘉載欣推謝無斁仰惟台察

與江東韓運使

某幽屏山間與搢紳東西行者略不相遭仰止繁
星之芒寒寸心深切欲寄双魚之白錦其道亡繇
凝神載馳與江水日夜而東下也即辰一雪知時
歲律適止恭惟都運華文丈玉節山立霜威風生
天人具依台候動止萬福某老病日侵挂冠得請
上恩優異孤迹畝全微台座及晉之波曷濟登茲
感極幸極繡衣持斧觀省民風 聖主仁厚之澤
沛然覃于耕耒壠畝之上榮鰥幽柱之情滄然徹
于黠纈玉藻之下使事有指盍歸春風玉笋之班

用宏厥施山林野人蓋目望之某皇恐白事項因
便風膏進越以徽州錄參戴從政

重熙

為篋櫝不

滿之薦恭承台翰報之以今歲下半年與來歲上
半年京削皆有前議矣仰測台意蓋已心許而化
筆未及也寒士得此何福如焉乃知貴人多忘閑
人言輕之說未易可以測滄溟之斗升度嵩高之
尋丈也敢復僭懇欲乞台慈特輟來歲下半年一
京削以收錄之不勝大願某亦膏薦之於徽守任
丈任丈已發來年上半年破白之章矣併祈台察
再三之瀆無所逃刑仰惟矜恕未參拜間願言珍

重即膺賜環之寵

答徐參議

某伏以即辰景迫週年天欲再雪恭惟致政參議
直閣年丈高蹈物表獨樂事外天兼名勝台候動
止萬福某老病日侵摧墮已甚所謂祗見有不如
不見有所起者退之此詩似端為儂發也年丈官
簿年齡尚能記憶當未及耆稀之數恭聞挂冠神
虎懸車里門無乃太蚤儒榮之堂于青霄而直上
絲綸之誥揭雲漢而下飾斐然之詩何異蟋蟀之
鳴蟲飛之聲授簡所臨不容九頓首而辭避已犯

不隨茲蒙伐石深刻架軸裝潢不日以玉櫝而表
燕石以繡段而藉魚目手寄似碑本榮不蓋媿也
未占侍見願言珍重以輅加璧裡輪之徵

荅胡上舍

某久別得誨帖恍若覲玉樹風前之標何如其喜
也示教程試草卷疾展快觀轉圓石於千仞之溪
不足為其清駛也敬留錄本以矜式兒輩而取草
卷切幸收至願更掇其耘以歛其豐即看冠冕多
士之捷親黨與有榮云

荅周丞相

某伏以即辰雪後方寒恭惟致政少傳大觀文左
丞相國公潭居府中鈞轉天上春回維斗星見老
人鈞候動止萬福某漁釣棄物不自意得幸於今
月之公且洒玉字墜琚詞餽節物講歲禮有君均
綢馮之為者整黃冠野服手三盞首九頌而後降
拜敬受焉別占蕪語以謝嘉惠茲復重敷

荅斛通判

某屬者兒輩之官因之奏記材官戾止墮以錦書
如渴得泉喜可知也即辰欲雪不雪入春未春恭
惟府判太中鄉丈釋彼喧煩皈我風月旌旄尚溼

山岳用光天相台候動止萬福玉璫咸慶某老矣
何思何慮獨念兒輩未免隨牒餬口四方而次公
愚駭未更事懼抵官刑為老朽羞微我鄉友知已
深厚託契惻款憐之以慶雲之蔭難乎免矣安得
廣廈千萬間少陵是也眼前突兀見此屋次公以
之示及陸文史君書信已敬受亦復作一書謝之
望願指材官為投達至幸

谷韻守張舍人

某伏以歲事履端春寒方峭即辰恭惟判府右史
舍人尊契文閭制繁雄威惠洽暢忠賢昭格后帝

孚休台候動止萬福某堪岩野夫無適俗韻晚綴
千官雲片之末行獨得編交海內之名勝時則有
若舍人丈英峙起請欲論卓詭環詞清鏘見之使
人自失聽之使人忘罷誦之使人驚古作之絕唱
退之所謂惟吾崔君一人者非某心服此言奚為
至於前哉一別十五年高山仰止之詩夢亦不忘
也某自壬子之秋棄官還山丙辰之筴上章乞骸
四年三請去筴始蒙上恩聽請放鶴出籠縱魚入
海方覺吾身之屬我也契丈赴鎮剎欲候紫氣之
東來遮朱幡而一見既而聞之已望行塵而不及